



Oduzeta velika količina duhana



Zaplijenjene i mašine za rezanje

ISTRAGA Akcije **SIPA-e** i UIO BiH na suzbijanju šverca duhana

# Oštetili budžet za više od 10 miliona maraka

Među osumnjičenima i odgovorne osobe otkupnih duhanskih stanica

Pripadnici Uprave za indirektno oporezivanje BiH, u saradnji s Državnom agencijom za istrage i zaštitu, izveli su jučer zajedničke akcije kodnih naziva "List 2" i "Box" radi suzbijanja nelegalnog prometa duhana u Bosni i Hercegovini.

## Opsežna akcija

Akcija je provedena na više od 30 lokacija širom BiH, uključujući Orašje, Bijeljina, Gradačac, Brčko, Banju Luku, Sanski Most, Mostar, Grude i Posušje. Kako saznajemo, većina aktivnosti inspektora odnosila se na firmu "Bosanac" iz



**Kovačević: Angažirano više od 100 službenika**

Orašja, čiji je menadžment saslušan na okolnosti šverca duhana.

Kako nam je kazao Rat-

ko Kovačević, portparol UIO BiH u ovim aktivnostima učestvovalo je više od 100 službenika.

## Pričinjena šteta

- Akcija je usmjerena na više od 20 osumnjičenih osoba, koje se terete da su vršile nelegalni plasman duhana na crno tržište u BiH u količini od skoro 100 tona duhana - saopćilo je Tužilaštvo BiH.

U akciji "List 2" priveden je 21, a u akciji "Box" 15 osumnjičenih. Oduzeto je 25 tona duhana u listu i reznog duhana te šest mašina za rezanje.

Kako se navodi, s obzirom na cijenu duhana i akcija, koje na kilogram duhana iznose skoro 85 KM, navedenim nezakonitostima pričinjena je šteta budžetu, državi i građanima naše zemlje u iznosu od skoro 10 miliona KM, a počinio su ostvarili nezakonitu imovinsku korist u višemilionskim iznosima.

Među osumnjičenima su i odgovorne osobe otkupnih duhanskih stanica, koje se terete da su omogućavale da duhan iz legalnih proizvodnih tokova završava na ilegalnom duhanskom tržištu.

**A. ALJIMI**